

ACTA ERUDITORUM

publicata Lipsiae

Calendis Aprilis, Anno M DC LXXXII.

*SYNTAGMA INSCRIPTIONUM ROMÆ
veteris: quas collegit & Commentariis illustravit
THOMAS REINESIUS. Opus posthumum.*

Lipsiae, sumptibus Jo. Fritschii hæredum & Jo. Frid. Gleditsch.

A. 1682, fol.

POstquam JANUS GRUTERUS, sub initium seculi hujus, vastum istud & æternum INSCRIPTIONUM Opus, Scaligeri & Velsi auspiciis, aliorum autem eruditione clarorum Virorum ope & consilio, in certas classes dispositum evulgasset: multa reperta sunt Romæ & alibi Monumenta, isti inferenda, si oculis hominum exposita ante & observata fuissent, quam Iste suum Opus vere incomparabile publicæ exposuit luci. Hæc igitur novissime reperta, & varie hinc illinc dispersa, summo studio, partim ex editis ab isto tempore Doctorum Virorum: Aringhi, Aventini, Barthii, Bosii, Boldonii, Capacii, Chifetii, Chorieri, Freheri, Grafferi, Gutherii, Lazii, Liceti, Lipsii, Manutii, Meursii, Palermi, Panvinii, Pighii, Pignorii, Resendii, Salmasii, Savaronis, Schotti, Seldeni, Servii, Sirmondi, Sorbierii, Tomasini, Tristani, Valesii, Ursati, Vossii, Velsi aliorumque literis clarorum hominum Scriptis; partim Amicorum eruditorum: Bartholini, Bullialdi, Graevii, Gronovii, Heinsii, Holstenii, Lambecii, Langermannii, Monavii, Naudæi, Opitii, Parrei, Piccarti, Puteani, Rhodii, Ruperti, Scriverrii, Sponii, Volcamerii, Vorstii epistolis, horum ope & suggestione adjutus collegit, & eadem, quam Gruterus tenuerat, ratione digesit THOMAS REINESIUS: Commentationibus etiam necessariis adjectis, & noviter prolatas Inscriptiones, & complures, quas Gruterus aliive antea exhibue-

rant, illustravit, ex obscuris perspicuas, ex mutilis integras, ex depravatis correctas exhibens: adeo ut multa ex hoc Syntagmate lux Gruteriano Operi & pluribus vetustis Monumentis aliis inferri intelligendum sit.

Instituerat quidem primum Autor *Inscriptiones* quasdam a Grutero publicatas, non minus indoctorum marmorariorum culpa, quam incuriosorum descriptorum negligentia, temporis etiam vitio corruptas & depravatas emendare, quibus libro *Commentario* illustrandis inter magistratus, quem Altenburgi gerebat, munia, & curas officii medici, quam artem per annos paulo minus quinquaginta publicis stipendiis fecerat, insudabat: sed dum isti intendit Operi, natum ipsi consilium, illas, quae Grutero visæ non essent & præteritæ, colligere, earumque velut novarum accessione Opus ingens & admittandum locupletare & supplere; has autem noviter repertas illustrando, iis simul quas Gruterus attulerat, lucem inferre. In quo proposito ita profecit, ut earum partim e manibus Amicorum acceptatum, partim e libris diversorum argumentorum & idiomatum excerptarum insignem copiam acquisiverit, e qua Gruteriani in Operis modum disposita *Syntagma* isthac constipavit. In quo ordinem sequutus est, qui Scaligero & Grutero, dum is vastum suum Opus concinnabat, placuerat: nam viginti *Classibus* omnes, quas vel in libris reperit, vel ab Amicis transmissas accepit, *Inscriptiones* complexus est. Ac prima quidem Diis dedicatorum, templorum, aliorumve locorum sacrorum & sacrificiorum; secunda Operum & locorum publicorum; tercia Cæsarum, Imperatorum, Augustarum & Regum; quarta Annalium, Actorum & Historiarum; quinta Sacerdotum, Flaminum, Pontificum, Augurum, Ministrorum sacrorum, Ludionum, & his adfinium; Sexta Magistratum majorum minorumque & quorumvis honoratorum; Septima Decretorum publicorum, Senatusconsultorum, Legum, Fœderum, Statutorum, Contractuumque inter privatos; Octava Militarium; Nona Libertorum & Officiorum Domus Augustæ; Decima Ordinum, Collegiorum, Corporum & quarumvis Sodalitatum; Undecima Officiorum minorum, studiorum, artium & negotiationum; Duodecima Affectus Parentum erga Liberos; Decima tertia Affectus Liberorum erga Parentes; Decima quarta Affectus Conjugum; Decima quinta Affectus Fratrum Soro-

rumque; *Decima sexta* Gentilium, cognatorum, propinquorum, haeredum, familiarium, amicorum, sodalium, benemeritorum, aliorumque promiscua; *Decima septima* Singulariorum ab incertis; *Decima octava* Affectus Dominorum erga Servos Libertosque, & horum adversus illos; *Decima nona* Affectus Libertorum & servorum inter se & suos; *Vigesima* Christianorum veteris Ecclesiae Monumenta exhibet: quibus *Appendix* subjecta est, eas Inscriptiones illustratas Commentario sistens, quæ digestis jam Classibus cum supervenissent, suo loco reponi non potuerunt.

Absoluto & elaborato hunc in modum Syntagmate hoc, Autor congesit & elucubravit summo studio & industria incredibili EPONYMOLOGICON, quod sive accessorium Operis hujus, & late diffusus absolutissimus Index (in istius formam, qui in Gruteriano Operे tertii & vigesimi locum implet) habeatur; sive novi & separati Operis appellationem sustineat, perfectam sane expletamque omnibus numeris & partibus *Cognominum Romanorum* notitiam suppeditabit. Quamvis autem præcipuus scopus Operis hujus Romana sint, non ignobilem tamen ejus partem Graecorum etiam aliarumque gentium, sed cum primis Germanorum, faciunt Nomina propria: quippe quibus detritis, inquinatis, disiectis & deflexis genuinam formam pristinamque dignitatem & celebritatem reddidit, & Germanis Germanos restituit. Quo studio non magis horum gloriae quam utilitati publicae prospexit, & in primis Historiae lucem prætulit. Nam cum Graeci Latinique Scriptores multa de Germanis & exteris nationibus aliis, quas communis Barbararum appellatione complectebantur, literis tradiderint; ignoratum tamen fuit hactenus, quinam præclare istas res gesserint, aut si non ignoratum id plane, confuse tamen & turbate animo conceptum est, dum vel discernendi conjuncti, vel discreti fuerunt conjugendi: pluribus seculis distantes ad eandem ætatem, ad diversas relati qui eodem tempore vixerant: unus inepta distinctione multiplicatus, plures contra, velut a coquo jura, in unum cœfusi & permixti. Quod quantas in historia turbas excitet, soli ignorant, qui ingentia solidæ historiarum cognitionis commoda non intelligunt. Hæc vero omnia EPONYMOLOGICO isthoc ad liquidum ab Autore producuntur: in quo præterea infiniti Autorum loci emendati, Constitutionum in Theodosiano & Justinianeo Codicibus in- & subscriptio-

recte constituta, abrupta & dispersa Legum fragmenta corporibus suis juncta: & quicquid veterum elegantiarum inconsulta, & superstitionis librariorum correctio Scriptoribus eripuerat, maximam partem redditum est & restitutum. Qui liber sane eximius, multis vigiliis ab Autore elucubratus, publica luce omnino dignus est, eique sistetur, ubi fortunam *Syntagma* hujus, quod præmitti par erat, expertus fuerit secundam, qui excudi istud curavit. Nam utriusque Operi simul sumptus impendere librariorum per Germaniam afflictæ res haud patiebantur. Igitur ipsas Inscriptiones earumque *Syntagma*, quod GRUTERIANI OPERIS SUPPLEMENTUM ET COMMENTARIUS dici potest, præmittere voluit Bibliopola, qui in possessionem Manuscripti utriusque Operis post Autoris obitum (qui placidus Septuagenario d. XVI Kal. Mart. Anno M.DCLXVII obtigit) pervenit: constitutum habens, ubi avidos Antiquitatis eruditæ amatores intellexerit, EPONYMOLOGICUM eidem prælo, quod *Syntagma* hoc expressit, submittere & publici juris facere. Ut Monumentorum veterum curiosus indagator, postquam e *Syntagma* Victoris gentium Populi sacra & ceremonias addidicit; publica Imperatorum, Consulum, Ædilium, privatorum quoque hominum Opera perlustravit; Magistratum in Urbe, provinciis, municipiis, colonis, decorata seriem; accuratam Ordinum, Collegiorum, Sodalitatum, Corporum enarrationem; Militiae etiam gradus; privatamque pietatem & domesticos affectus cognovit; in EPONYMOLOGICO, velut in atrium aliquod nimirum delatus, circumstantes maiores suos, vel gentis suæ proceres, quorum Saxa antea perlustraverat, ipsa vetustate venerandos intueatur, nominibus, tempore, scriptis gestisque adeo succincte collocatos, ut nunc demum ab hoc ordine, in quem sollicita Reinesii eos coegerit industria, immortalitatem tot Nominibus, quæ e monumentis vetustis produxit, promittere liceat. Frustra sane speraverant mortales, saxonum perennitate prorogatum iri suum ad seram posteritatem nomen, ac memoriam sui marmorum beneficio in longum extendi posse: quibus tamen & ipsis mortem infert avi longinqua vetustas, quod testantur tot truncæ statuæ, fatiscentes tabularum crustæ, semesa columnarum frusta, cipporum fragmina, & quæ olim vias superbe prætexebant monumenta late agris disjecta & obruta, aratri effossa laxe, ruderibus involuta, atque suo revulsa loco situ musco-

muscoque obfita, oblitterata, oblimata, cuneis diffissa, trita rotarum orbitis, fundamentis interdum ædificiorum adhibita, suggrundiorum stillicidiis, fluminum marginibus, viarum stratis, urbium purgamentis destinata, alieno sepulchro illata, translata toties & jaætata: Nulli pedes in frontem, nulli retro, nusquam ambitus & maceria: nihil sacri & religiosi. Cassa igitur nomina, & ignoti in ipsa interdum patria tituli, peregrinaque inscriptio. Felici tamen industria REINESII suis plurima Manibus redditia sunt, & ex ipsis Fragmentis Memoria eorum, quibus posita primum fuerant, adserta est: ut chartæ hæsaxeam istam perpetuitatem, materiae vitio jam senescentem, nova perennitatem munire censendæ sint;

Ecce vices rerum, tandem quoque saxa fatiscunt,
Et manet æternum quod levis aura movet.

*EPIPHANII OPERA GRÆCO-LATINA,
cum versione & Animadversionibus DION. PETAVII. Editio nova, Appendicibus quibusdam
auctior.*

Coloniæ 1682, in fol. 2. Tomis.

Sumptibus Jerem. Schrey, & Heinr. Job. Meyeri.

Cum jampridem in bibliopolarum tabernis, Gallorum æque, apud quos prodierant, quam aliis, disparuerint nec venalia amplius prostant Epiphanii Græco-Latina, a doctissimo Societatis Jesu Theologo Dionysio Petavio, anno hujus seculi secundo & vigesimo adornata, & cum interpretatione nova ac Animadversionibus eruditis edita Parisiis Opera, de bonis literis bene se merituros existimarunt bibliopolæ, qui Lipsiæ recudiæ curaverunt: ita quidem ut nova hæc editio veterem plane referat, & plagulæ hujus novæ impressionis totidem plagulis prioris editionis respondeant; typorum vero Græcorum major adhibitus nitor, quibusdam etiam accessionibus potior habenda sit nova. Præmittitur enim *Vita Petavii*, quam eleganti Oratione deprædicavit Henr. Valesius, exposuit etiam in Bibliotheca Societatis Jesu a Ribadeneira copta, a Ph. Alegambe continuata, & se vero ad Annum usque LXXVI producta Nath. Sotvellus. *Carmen item* præfixum habet, quo mortem ejus prosecutus est illustr.

Monasteriensis & Paderbornensis Episcopus Ferdinandus Furstenbergius. Sub unum quoque conspectum omnia Petavii *Open* juxta annorum seriem, quibus ab ipso scripta & emissæ sunt in publicum, digesta sistuntur. Animadversionibus vero binæ subjiciuntur *Appendices*, pro ipsis vindicandis ab Autore doctissimo adversus *Maturinum Simonium* Anno 1624, & *Claudium Salmasium* Anno 1630 scriptæ, postque editas Animadversiones publici juris factæ. Ac poterat quidem pluribus Accessionibus editio hæc nova augeri, si adjecta fuissent scripta ista, ad explicationem & vindicationem nonnullorum Epiphani locorum facientia, quæ sub *Antonii Kerkoetii* nomine adversus Salmasium, qui *Francisci Franci* nomen sibi sumserat, in vulgus sparserat Petavius, amarulenta non minus quam eruditæ: sed quando ipsis nomen suum præscribere noluit Autor, ea Animadversionibus his annexèter veritus est, qui editionis Epiphanianæ cum Lipsiæ gesit.

HISTORIA CRITICA VET. TESTAMENTI,

sive

*Historia Textus Hebraici a Mose ad nostra
usque tempora,*

Autore R.P. RICHARDO SIMONE,
Presbytero Congregat. Oratoriæ.

E Gallico in Latinum versa

^a
NATALI ALBERTO de VERSE
S.Theolog.& Medic.Doct.

Amstelodami, Juxta Exemplar impressum Parisiis
1681. 4to.

Est hoc novum Historiæ Criticæ opus, Gallico idiomate ab Autore suo primum editum Parisiis 1678, in genere curiosum admolum & summæ eruditionis Scriptum, singularia plurima in Textum Hebreum Vet. Testam. & præcipuas Versiones tum a Judæis, tum a Christianis editas complectens: quod Latij donatum, cum aliqua

Præ-

Præmonitione ad Lectorem, publici juris denuo facere nullus dubitavit Interpres doctissimus, innumerarum illius observationum singularissimarum rationem potius habens, quam aliarum quarundam ex illo contra fontium autoritatem eruendatrum consequentiarum, quas nec Autor ipse admittat, & adversus quas nemo non Eruditorum se facile præmunire posse. Nos, quod nostrī instituti est, hic agemus, hoc est, *scopum & summam* illius Historiæ Criticæ historice edifferemus, ut quid inde sibi quis polliceri posse, intelligat, judicium erudito lectori, & accuratum ejus examen aliis, quorum hoc est studium, committentes; ad quod etiam Vir Clarissimus *Ezechiel Spanhemius* in Literis ad Amicum die 10 Decembr. 1678 Gallice scriptis, & Amstelodami anno 1679 a Daniele Elzevirio, quanquam suppresso Autoris nomine, editis, jam viam stravisse videtur.

De *SCOPO ET CONSILIO* totius operis tum recte judicabis, si quid Autorem ad scribendum impulerit, quies adminiculis in usum advocatus, & cui Hypothesi potissimum innexus novam illam *Criticam concinnarit*, ex ejus Præfatione & primo Historiæ hujus Capite, nobis præeuntibus, observaveris. Scribit nempe Autor in Præfatione, se dum Critica in Scripturam aliorum opera legeret, & in proprium suum usum vitia eorum annotaret, comperisse, neminem hactenus penitus Criticam Scripturæ novisse aut investigasse, neminem non juxta sua præjudicia ea de re differuisse. Judæos verbi gratia non alios Autores, quam suos, consuluisse, ac miratos esse, quæ nequaquam intellegebant: inter Christianos autem plerosque Patres adeo in gratiam veterum Ecclesiæ Versionum præjudicio laborasse, ut plane Textum Hebraicum negligerent: defuisse quoque illis multa ad perfectam Scripturæ Crisim instituendam: modernos quod spectat, seu Catholicos, seu Protestantes, neminem non præjudicio laborasse, ambos *Buxtorffios* nil ferme aliud in plerosque suis operibus, nisi immodicum erga Rabbinos studium, neglectis aliis Autoribus prodidisse: contra *Morinum* adversus illos, etiam antequam legisset, odio affectum fuisse, dumque meliores Ecclesiæ versiones propugnare studet, undecunque argumenta collegisse, quibus Bibliorum originalia evertat: plus certe judicii in *Ludovici Capelli* Critica elucere, sed & illum, cum varias tantum lectiones conquerire satageret, nimis eas multiplicasse: *Sed vero* in hac Historia multa proferre, quibus plurimæ Lectionum varie-

varietates explicari possent absque eo, quod illis in locis hallucinatos
fuisse Exscriptores dicamus: posuisse quoque *Capellum* & retulisse in
numerum Variarum Lectionum manifestissimos Exscriptorum erro-
res, qui quidem juxta probatores Codices emendari potuissent: po-
stremo non satis autoritatis Masoræ tribuisse: et si enim Autores ejus
infallibles minime fuerint, non omnino tamen spernendam aut
rejiciendam hoc nomine, quod ejus autores Judæi sint, quos, cum
de lectionis usu agitur, consulendos esse ipsa ratio suadeat: non im-
pedire tamen ista aut similia apud *Capellum* observata vitia, quomodo
nus ejus Critica cæteris omnibus anteponatur. Et hujus adeo lau-
dati scriptoris exemplo se motum fatetur Autor, ut Historiam hanc
Criticam Biblici textus & præcipuarum Versionum, tum a Judæis,
cum Christianis editarum, componeret. Cum vero *Capellus* se mul-
tas alias Varias Lectiones ob MSS. Codicum penuriam adnotare non
potuisse conqueratur, huic defectui se obviā ivisse scribit Noster, con-
quisitis, & undiquaque sibi multis egregiis Codicibus, quos diligenter
quidem inspexerit, comparatis: illorum Codicum ope Regulas
dedisse, quibus errorum & vitiorum, quæ in Textum Exscriptorum
negligentia inventa sunt, originem invenias, ut hoc pacto germana
Biblici textus lectio commodius restitueretur: ex illis quoque bo-
nos & legitimos Codices Hebraicos a malis & corruptis discernere
ut poslis, ejus rei gratia plurimorum examen instituisse, in quibus quid
desideret, quid probet, annotarit. Deinde quia Judæi *Masoretæ* mul-
tas, ceu scribit, in textum Hebraicum immutationes intulere, horum
quoque Criticam multis prætermisisse Autoribus, qui de illa ex priva-
tis præjudiciis, vel ex aliorum sensu judicarunt, apud Masoretas ipsos
legisse, imo cum attentione perlegisse, & æquum se iis ubique judi-
cem, quantum licuit, præstitisse profitetur; medium sic quasi viam
amplectens tum inter illos, qui Masoram contemnunt, aut cum *Isa-
aco Vosso* prorsus improbant & rejiciunt, quod non permultas ex illa
Regulas ad LXX Interpretum & veterum aliorum versionis defensio-
nem hauriri posse animadverterunt; tum inter hos, qui eam infallibili-
lem censem, quia, ut ille scribit, non satis accurate versiones, quæ
Masoram antecesserunt, expendere. Masoram enim seu Traditionem
nunquam adeo modum legendi textum fixisse & sanxisse, quin quod
pro temporum & locorum circumstantiis lectio variaverit, ostendi-
posit.

possit. Ut ergo modum illum, qui ad inveniendam veritatem requiriatur, præ cæteris omnibus, qui circa hoc negotium occupati fuerunt, servaret, id quantum fieri potuit, præstare se conatum fuisse dicit, suam hinc Hebreo originali, suam illinc Versionibus veteribus autoritatem illibatam conservando; nec in gratiam Græcæ linguae, nec Latinae, nec Hebraicæ, nec alterius præjudicio se affectum sincere testando; tantummodo accurate juxta ordinarias Criticæ Regulas & Textum ipsum, & ejus Versiones expendendo, & variis annotatis Læctionibus ostendendo, quo pacto todier nostrum Codicum menda & vitia castigari possint. De cætero nihil ferme sibi defuisse scribit ad hoc opus omni ex parte absolvendum; nam & penes se diu fuisse inumeros Libros ab Oriente allatos, & jam in Bibliotheca PP. Oratorii Domini JESU extantes: otium præterea abunde adfuisse, imo Amicorum suorum ope plurimos se Eruditos in dubiis hinc inde subortis consuluisse.

Hypothesis in hoc Opere potissimum regnans est de Bibliorum Hebreorum Auctoriis, quos certi generis Scribas fuisse statuit; qui jam inde a Mosis tempore apud Hebreos extiterint, & quamdiu ilorum Respublica stetit, singula hujus Reipublicæ suæ Acta summa fide collegerint, inque publicis & ad id destinatis monumentis asservarint. Hos cum Josepho & plerisque Patribus Prophetas nominat, quia sc. Dei spiritu afflati fuere, & Scripturam omnem Prophetiarum nomine donat Petrus Apostolus. Eosdem etiam Scribas, ab ipsa scriptura, vel publicos Exscriptores vult appellari, ut hoc pacto eos discriminaret a reliquis aliis Scriptoribus, qui pro affectu & præjudicio suorum temporum Annales scribere solent. Tales Scribas fuisse dicit, *Samuelum, Nathanem, Gadum, Abiam* & aliquot alios, qui suorum temporum Annales scriperant, e quibus non minima Librorum Biblicorum pars, utpote *Judicum, Regum, Chronicorum & Paralipomenon* concinnata sit. Juxta hanc suam hypothesin solvi ait multa quæ in Pentateucho existunt, & videntur simul supponere, Mosen ipsorum Autorem non fuisse. Numirum quicquid in Libris illis Historiam spectat, Scribis adserit de *Mose* in tertia persona loquentibus, & similia non pauca habentibus, quorum Moses Autor esse nequeat: vicissim quicquid ad leges & jura pertinet, ipsi *Mosi* vindicat, & hac ratione totum Pentateuchum *Mosis* esse, iure merito affirmari posse

posse putat: quoniam illius Scriptores *Mosis* tempore vixerint, & non nisi iussu *Mosis* illum conscriperint. Ex eadem hypothesi solidas rationes se reddere posse dicit, cur tot in Scripturis additiones & immutationes, quas alioqui nullo pacto explicaveris, hodie comprehendamus: si nempe observetur, hos Prophetas seu publicos Scribas pro suo officio non tantum suorum Acta temporum collegisse, sed & aliquando Actis a prædecessoribus suis collectis, iisque vel addendo, vel detrahendo, & immutando, prout expedire judicabant Ecclesia tum temporis, novam formam induxisse, illibata interim S. Literarum autoritate; quandoquidem illarum mutationum Autores Viri Prophetæ ac cœlitus afflati essent; ut proinde, quæ ipsi immutarent, parem cum reliquis non possent non habere autoritatem. Multum pariter hac sua hypothesi juvari scribit explicationem innumerarum Quæstionum circa Chronologiam & Genealogias. Si semel enim recipias, hosce Libros prolixiorum Instrumentorum compendia tantum esse, & populo tradita solum fuisse, quæ illi erudiendo idonea magis judicata sint, per se patere dicit, relatas ibi Genealogias immediatas non esse, nec certam & infallibilem juxta eosdem libros Chronologiam componi posse, quandoquidem res gestæ non semper, quo tempore evenere, referantur, sed sæpe plura acta simul conjuncta fuerint, dum in Epitomen redigerentur; & Lector simul ad eadem illa Acta, prout in archivis prolixè continebantur, remitteretur. Isto quoque pacto *Spinozæ* argumentis ex hisce Scripturæ immutationibus & enantiophaniis ad ejus autoritatem infringendam ductis, quasi nil istæ divini haberent, respondet, ac illorum simul audaciam retundere satagit, qui Sacrorum Librorum Autores in iis tantum, quæ ad fidem pertinent, a Deo inspiratos fuisse, contendunt, cætera non magis pro divinis habenda esse, quam cuncta illa, quæ Viri pii ac religiosi scribere solent. Cum enim periculosa hæc valde sententia videatur, & Novo Testamento in Scriptura Veteris nil non Propheticum & Divinum agnoscendi diametraliter sit opposita, talem se scribit hypothesin constituisse, qua viris Divinis & Prophetis adscribantur omnia in Sacris Literis comprehensa, iis saltem mutationibus exceptis, quæ lapsu temporis & Exscriptorum incuria & escitania contigere. Nam præter istas immutations, ab iis qui cum autoritate Bibliorum Breviaria scripserunt factas, plures adhuc alias agnoscit Autor, quas non ipsis

ipsis Sacrorum Librorum Autoribus, sed potius communi veterum omnium Librorum fato, aut si vis infortunio imputandas esse dicit, confirmans hanc suam sententiam ex modo, quo olim Libri in parvis membranis scribi solebant, quæ alia super alias circa lignum aliquod convolvebantur, nec inter se confuebantur. Sic enim accidisse scribit, ut non satis accurate voluminum illorum ordine servato, rerum ipsarum dispositio & ordo pluribus in locis immutatus fuerit. Et magnas illas, ut ipsi videntur, mutationes, quas Bibliorum codicibus contigisse ostendit, ex quo prima Originalia periere, Protestantum, ipsorumque Socinianorum, qui hodiernos illos Codices Hebraeos consulunt, sententiam funditus convellere putat, cum tantum absit, ut ad Controversias dirimendas compendiosior & tutior methodus Scriptura existimari debeat, ut econtra in hac sua Historia ostenderit, si quidem juris norma anima facti separetur i. e. nisi cum Scriptura Traditionem conjungas, nihil fere certi in Religione futurum esse; nec divino Verbo fieri injuriam, cum illi Ecclesiæ Traditione conjungatur: Eundem enim, quinos ad S. Literas amandat, ad Ecclesiam quoque suam, cui sacrum hoc depositum concredidit, nos amandare.

Hæc de Scopo & Consilio Auctoris dicta sunt; sequitur nunc *summa totius Operis* in tres Libros divisi, quorum *PRIMUS* unum & triginta capitula complectens sat multa habet de Sacrorum Librorum Autoribus; de Prophetarum apud Hebraeos munere ac potestate libris sacris addendi, detrahendi; de origine mutationum aliquot in Textu Biblico, eorundemve actorum in aliis & alijs scripturæ Libris cum varietatibus aliquot repetitorum causis; de mutationibus, quæ in Libros sacros irrepsero, præsertim post Captivitatem Babylonicam, ex Rabbinorum & Patrum sententia; de modo quo Bibliorum breviarium factum. His ita Cap. I, II, III, & IV, pertractatis, mox cap. V, & VI, probationes & argumenta subjungit Autor additionum & aliarum immutationum, quæ Scripturis, & in specie Pentateucho contigere. Variis item exemplis ostendit, Mosen omnium plane quæ in Libris ab ejus nomine dictis extant, autorem esse non possè, additis responsionibus ad Judæorum hic contradicentium objectiones cum novis in eorum opinionem argumentis. Cap. VII modum exposuit, quo libri legis scripti fuerint: Hinc Libros Patriarchis ante Mosen

adscriptos recenset, Sabbaitarum etiam, sive Veterum Chaldaeorum Historiam tradit. Cap. IX de aliis Scripturæ Libris differit, quorum collectionem ad magnam sub *Esdra* Synagogam referunt: Hujus Synagogæ examen, & cujusque libri Scripturæ in specie suscipit. Cap. IX Librorum sacræ Scripturæ generalem Divisionem tradit, Judæos & Christianos Autores inter se hac de re conciliat: quo sensu Judæi *Danielem* Prophetam esse negent, explicat, & hac in parte a Christianis non dissentire docet. Cap. X, XI, XII, XIII, contra *R. Joseph Albo* pro lege Mosis nunquam corrupta pugnantem disputans, ex Pentateucho Samaritano probari posse negat, etiamnum hodie superesse priscum Librorum Mosis apographum. Inde Textum Hebræo-Samaritanum in particulari sub examen vocat, nec Judaico præfendum monet, diversisque variarum Lectionum exemplis cum observationibus in eundem additis, de Characteribus Samaritanis, eorumque origine, & convenientia cum Phœnicis literis, ex aliquot Græcorum Patrum testimoniis rite explicatis, de Codicibus Samaritanis, deque litera *Thav* eruditè differit. Cap. XIV, XV, de Lingua Hebræa quærit, an prima lingnarum? & quomodo primum inventæ literæ? Post variarum hac de re sententiarum conciliationem accuratius, quomodo inventæ sint linguae, exponit, facta hic erudita de Origine Linguarum digressione. Cap. XVI, & XVII quis status Hebræi textus a reditus ex Captivitate Babylonica tempore; quis aetate Jesu Christi, & initio Christianæ Religionis, quis tempore *Philonis* & *Josephi* fuerit, exponit: ibi de Secta *Sadduceorum* universas Scripturas admittentium, & Codice Hebræo a LXX Interpretibus usurpato; hic de *Josepho* minus accurato Scripturæ tractatore, ac subsecutorum Judaeorum majore diligentia ex occasione Religionis Christianæ nata Lectorem informans. Cap. XIX & XIX contra *Morinum* & *Vossium* calamum stringit, ac Judæos sacros libros non depravasse ostendit: addita Patrum, maxime *Origenis* & *Hieronymi*, de Textu Hebraico & LXX virali versione, sententia explicatione, morem scribendi hisce duobus Scriptoribus solennem pluribus exponit, cum observationibus aliis non paßim obviis. Cap. XX, XXI, XXII, XXIII, statum Hebraici textus in primis Christianissimi seculis uberioris pandit: varias Scripturæ lectiones in Thalmude currentes, cum diversitate Codicium, quibus Synagogæ utuntur, & quibus pri-

vati,

vati,notat: Regulas ad discernendum probatos Textus Hebraici Manuscriptos Codices a pravis tradit: aliquot Manuscriptorum examen singulare instituit: nec non peculiares observationes in omnes Manuscriptos Biblici Textus Codices subjicit, ac tandem originem variantium lectionum a varia scribendi codices ratione ortarum prodit. Cap. XXIV & XXV de *Masora* quid statuendum sit, variis Judæorum & Christianorum hac de re opinionibus præmissis, edocet: accusatorum *Masoræ* expositionem instituit: utiles Regulas, quas complectitur, eruit: unde, & quomodo Veteres Scripturæ Interpretes excusari ac defendi possint, ostendit: partium etiam, quibus constat *Masora*, explicationem cum Criticis in hancrem observationibus subjicit. Cap. XXVII, XXIX & XXIX de punctorum Vocalium & Accentuum hodiernorum autoritate, origine, de versuum item hodierni textus Hebraici distinctione & aliquot aliis ejusdem Textris distinctionibus quid sentiendum, multis in rem istam communicatis observationibus exponit, & *Caritas*, peculiarem Gentis Hebrææ Sectam, non minus ac reliquos Judæos, viginti quatuor Scripturæ libros cum Puncto-vocalibus & accentibus admittere docet. Denique primum hunc librum c. XXX & XXXI Grammaticorum Hebræorum Historia finit, in qua Grammaticæ Hebrææ originem, & progressum narrat, & hinc textus ac lingua Hebraicae incertitudinem demonstrare satagit.

Criticæ hujus LIBER SECUNDUS præcipuarum Scripturæ Versionum a Judæis & Christianis editarum Historiam complectitur. Illas omnes examinat, & quid in quaque vituperet, quid probet, studiose aperit Simonius. Post generalem doctrinam de Bibliorum Versionibus Cap. I propositam, præ ceteris omnibus Græcam Versionem LXX Interpretum & ejus autoritatem per aliquot Capita expendit. Nam ubi Cap. II Historiam *Aristæ*, & aliquot alias ea de re scriptos Libros supposititos sub examen revocavit, & solam Mosis legem primum Græce redditam esse docuit, appellationis item rationem, cur LXX viralis dicta fuerit, enucleavit; Cap. IV, non modo varias hujus Versionis Editiones recenset, sed & explicationem Tetraplotum, Hexaplorum, & Oclaplorum *Origenis* cum Criticis animadversionibus subjicit, ac versionis ipsius cum textu Hebræo collationem, variarumque illius editionum ad se invicem compa-

comparationem instituit. His ita premissis, varias Variorum sententias, maxime *Isaaci Vossii* opinionem discutere, & contra ipsum Cap. IV, nec textum Hebræum a Judæis depravatum, nec ejus Chronologia Chronogiam LXX Interpretum meliorem esse ostendere instituit. Indes uo de hac versione judicio exposito, Cap V, VI, VII, examen singulare locorum textus Hebraici aliter, quam nunc redditur, ab ipsis redditi, suscipit, ac tandem Cap. IX, adversus alios non ealinguae Hebrææ notitia instructos, ut judicium de hisce Interpretibus recte ferrent, certis adhibitis Regulis, quoad loca plurima defendit. Hic obiter notandum, *Isaacum Vossium* sententiæ suæ tenacissimum ad Objectiones P. Simonii statim Responsionem adornasse, quam libro de Sibyllinis Oraculis Oxoniæ 1679 edito subjecit. Et cum totus controversiae status versetur circa LXX Interpretates, primo Argumenta, quibus ad elevandum horum Interpretum versionem in hoc libri secundi principio uititur Simonius, breviter perpendit: Deinde *Loca* persequitur, quæ vel male, vel saltem non satis commode a LXX versa fuisse interpretibus existimat: Denique *Rationes* discutit quæ videntur movisse Adversarium, ut novam instituendam putarit versionem exacte cum Hebreo congruentem Codice. De cætero laudat moderationem Autoris, quod Versionem hanc magni faciat, nec cum iis sentiat, qui illam ex officina Sathanæ prodidisse affirmant, ac si ea, quam & Christus & Apostoli nobis reliquerunt & commendarunt, Scriptura autorem possit habere Diabolum. Sed e diverticulo in viam, & ad ipsum Simonium est redeundum, qui jam porro Cap. IX & X, de aliis Scripturæ Græcis Versionibus, quarum tantummodo supersunt fragmenta, præcipue de ea, qua Samaritani sunt usi, disserit, & an præter indicatas adhuc alia extiterint Græcae Versiones? an nomine LXX Interpretum plures & variæ? an *Origenes*, *Pamphilus*, *Eusebius*, *Lucianus*, *Hesychius*, *Apollinaris* novas Scripturæ Interpretationes composuerint? docte disquirit, ac novas in Hexapla *Origenis* observationes addit. A cap. XI ad XIV de priscis Scriptura Versionibus, queis olim Ecclesia Occidentalis utebatur, in primis de Vulgata, hodierna ejusque Autore operose agit; mox aliquot istius Versionis Capitibus juxta Criticæ leges examinatis, generales animadversiones suggerit, quibus Hieronymiana vertendi methodus penitus innoteat: sed & vulgatam cum LXX virali confert

iis in libris, de quibus constat illam *Hieronymi* esse, variis annexis Regulis pro defensione Vulgatae exstructis, idque pluribus in locis: imo quo sensu hæc versio a Synodo Tridentina definita sit autentica expōnit, nec illam esse verum ac genuinum Scripturæ fontem ingenue ostendit, multis in hanc rem adductis observationibus criticis. Cap. XV, & XVI, versionum a *Syris*, *Arabibus*, *Coptis*, *Aethiopibus*, *Armenis* editarum Historiam absolvit. Inde ad Judæorum Versiones seu Paraphrases pedem promovens Cap. XVII quærerit, utrum *Hellenistæ* in suis synagogis solam LXXviralem Versionem legerint? & quinam Hellenista isti? & quomodo ad proprium usum Versionem post LXX adscriptam concinnarint? de Versione item Samaritana & ejus Versionis latina interpretatione dispicit. Hinc ubi Cap. XIX Paraphrasum Chaldaicatum incertitudinem originis cum modo, quo confectæ fuerint, exposuit, de lingua etiam Chaldaica, deque harum Paraphrasum styli diversitate lectu digna protulit, quin & punctuationis Chaldaicæ Reformatione Buxtorffiana rejecta, item de istarum utilitate vel damno Paraphrasum magna cum contentione agitatem diremit: Cap. XIX, ad alias Bibliorum Versiones sive Paraphrases a Judæis profectas in variis linguis, *Arabica*, *Persica*, *Hispanica* & *Gracæ* vulgari accedit, & Criticas observationes in easdem illas linguis, maxime vero in *Gracam* hodie vulgarem subjungit: In sex ultimis Capitibus an XX ad XXVII de recentioribus Christianorum Versionibus, primo latinis, deinde vulgaris linguae, tum Catholicis tum Protestanticis, *Anglorum*, *Belgarum*, ac præsertim de *Lutheri* Versione Germanica, deque *Gallicis* Protestantium Scripturæ Versionibus Critico more agit.

Sed, quia plena periculi res foret, morbos aperire, nec remedia adhibere, fuse sic recensisit plerarumque Versionum bonis malisve qualitatibus, LIBRI TERTII initio, Cap. sc. I, & II, methodum monstrat, qua purior & exactior, quam unquam antea, Versio concinnari valeat. Cum autem hic permultæ quidem magnæ que occurrant difficultates, has nihilominus Cap. III, & IV, juxta præscriptas a se Regulas superari posse ostendit. Hujus novæ suæ Versionis occasione, præcipuorum Authòrum interpretandi methodos examinat, primo Judæorum Cap. V, maxime *R. Mosis Maimonidis* & aliorum Rabinorum Cap. VI & VII, (ubi multa simul jucunda tra-

tradit de Rabbinorum lectione in sua ipsorum Lingua) deinde pris-
cum Patrum, *Augustini Cap. II*, *Origenis, Hieronymi Cap. IX*, multo-
rum aliorum Cap. X, denique recentioris ævi Doctorum, qui in
Scripturam notas aut commentarios scripsere, sive Catholicorum Cap.
XI, & XII, sive Protestantium Cap. XIII, XIV, XV, sive Sociniano-
rum Cap. XVI, ut sic uno intuitu, quomodo & quam varie tum Ju-
daica, tum Christiana Ecclesia Scripturam interpretata fuerit, videre
queas. Et quo is labor majorem adhuc utilitatem adferat, multis re-
gulis & observationibus ad recte Scripturas interpretandum hinc inde
propositis, Cap. XVII, utilium aliquot Librorum ad intelligentiam
Scripturæ facientium Crisim suscipit: quin & judicium suum de aliquot
aliis Scriptoribus, qui opera Critica in Scripturam composuerent, sive
Catholicis, ut *Jo. Morino*, Cap. XIX, sive Protestantibus, ut *Ludovico
Capello* Cap. XIX, & XX, exponit, ac tandem in fine hujus libri a
Cap XXI, ad XXIV, in Polyglottæ Anglicanæ Prolegomena, quæ
Brianus Walto sedecim sermonibus complexus est, censoriam virgu-
lam exercet.

Ad calcem Operis duplarem Catalogum adposuit, unum præci-
puarum Scripturæ tam Hebraicæ, quam in varias linguas translatæ sive
a Judæis, sive a Christianis profectorum Editionum, cum innumeris in
quamque Editionem & Versionem Criticis animadversionibus: Alter-
num Autorum Judæorum & aliorum minus obviorum Scriptorum
qui passim in Historia hac Critica cirantur.

ANDREÆ ACOLUTHI, Uratisl.

מִ חֲמֻרִים הַמְאָרוּם

De Aquis Amaris & maledictionem inferentibus,

Num. V. II. seq. descriptis Philologema.

Lipse Typis Justini Brand. 1682. in 4to.

Quanvis hæc materia a Clar. Wagenseilio in Sôta jam præoccu-
pata videretur, alia tamen methodo eandem persequi & post
mellem spicilegium instituere Autori, novum industriae suæ specimen
post *Obadiam Armenum* edituro placuit. Sic autem procedit, ut
primum (Cap. 1.) tremendæ hujus sanctionis cum præcedentibus &
sequentibus cohærentiam ostendat. Deinde (Cap. 2.) Hebraicarum
vocum,

yocum, quibus dissertationis hujus frontem insignivit, constructionem, originem, significationem & emphasis evolvat, tum rem ipsam aggrediatur & (Cap. 3.) totam rationem, qua uxores Zelotypis maritatis de adulterio suspectæ per aquas a Sacerdotibus propinatas probandæ fuerint, secundum omnes causas & circumstantias exponat, & tandem in recensendis allegoriis & abusibus (Cap. 4.) occupetur, id ubique agens, ut Sacros Fontes, quorum ductum sequitur, cum Interpretum rivulis studiose conferat, & quantopere in Orientalium Linguarum studio excolendo & abstrusis Judæorum sacris eruendis versatus fuerit ostendat.

*A Nevv Digestor or Engine, for softaing Bones,
Containing the Description of its Make and Use in Cookery,
Voyages at Sea, Confectionary, Making of Drinks,
Chymistry, and Dying &c.*

By Denys Papin, M. D. Fellow of the Royal Society.

London. 1681 in 4to.

i. e.

Novus Digestor aut Machina pro emolliendis Ossibus, continens hujus delineationem seu parandi modum sum usu in re Coquinaria, navigationibus, arte condiendi, potionibus conficiendis, Chymia, & arte tinctoria, per Dionysium Papinum, M. D. & Regiae Societatis Socium.

Londini 1681. in 4to.

*P*ostquam Nobilissimus Boyle in Experimentorum Physico-Mechanicorum Continuatione secunda Artic. 19, Experim. 4, 5, & 6, singularē ad ossium usque emolitionem coquendi carnes modum, in vase cochlea obturato & MB. cochlea pariter firmato adornandum, suppeditaverat, sine instrumentorum tamen necessariorum horumque usus declaratione; præsens scriptum Autor publici juris fecit, Novumque Digestorem seu Coquum appellavit, quod per compressionem

O

nem

nem aquæ & aeris, intra vasa conclusi, elixationes, digestiones seu macerationes, fermentationes, ac destillationes variarum rerum, & interhas ossium duriorum emollitionem, perficere doceat.

TAB. VI.

Instrumenta proin his finibus accommodata in sex figuris exhibet, quarum 1 & 2 illa delineat, quorum usus generalis magis, 3, 4, 5, & 6 vero, quæ destillationibus ac arti tinctoriarum præprimis sunt accomodata. Scilicet, in Fig. 1, AA Lebetem designat æneum, in fundo clausum, in summo II apertum: qui instar MB. aquam continet & igni immediate exponitur.

BB Hujus lebetis operculum, ejusdem cum illo figuræ & capacitatis,

CC Lebetis Ansulas,

DD DD. Duo ferramenta, altera sui extremitate ansulas C, C, altera Repagulum EE excipientia,

EE Repagulum, foraminibus ferramentorum D. D. trajectum, quod tolli & adaptari potest, ubi pro rei exigentia aut aprienda aut occludenda fuerit Machina.

FF Duas Cochleas, quæ foraminibus Repaguli EE trajectæ capitellum BA & receptaculum AA firmiter combinant.

HH Tubum seu canalem, operculo BB aptatum & obturaculo P. muniendum: Cujus canalis usus est, partim ut aqua, commissis jam machinæ partibus, infundi, partim ut pressuræ aeris interni gradus, per elevationem variam obturaculi P accuratius dignosei possint.





II Commissuram lebetis AA & BB.

LM Baculum ferreum, eminentiæ L Q infixum, qui, cum a pondere N, extremitati ejus appenso deprimitur, reprimendo obturaculum P compressionem aeris interni moderatur.

OO Angustiorem canalem, obvolutum cannabe & tubo HH ita impactum, ut aliqua extremitate sua aquæ inclusæ immersus aliquid humiditatis hinc ad P derivet, quo hoc ipsum charta obvolutum & leviter humectatum, orificium tubi HH exactius claudat.

Figura 2. Vas GG exhibet, descripto lebete angustius, ex vitro, stanno simili materia conflatum, coquenda, digerenda, ac destillanda immediate excipiens, operimento & cochlea sua occludendum, ac Machinæ AA BB immittendum. Lebetem ergo AA BB furno chymico usque ad ansulas CC imponit autor inoster, ignem firma-

TAB. VI. ad
Annunt 1682 pag 106.



E Andre. Sohm fec:



firmatis probe cochleis carbonum ope subdit, & hunc pro operatio-
nis conditione moderatur.

Figura 3 Craticulam seu sepiementum BB delineat, fulcris AAA
& manubrio CC instructum, quod yasi BB imponitur pro destillandis
concretis excipiendis ac continendis.

Fig. 4 Vasa AA & GG figuræ circularis tradit, quorum una
extremitas materiam destillandam continens, igni; altera, vapores
excipiens, pro faciliore horum condensatione, aquæ frigidæ impo-
nitur.

In *Figura 5* pro commodiore destillatione delineatur Vas GG.
extremitate sua II lebetem AA superans, quod materia destillanda re-
plendum, ejusque apertura II operculum profundius, pro vaporibus
excipiendis & condensandis adaptandum, ita tamen ut lebes atque vas
internum ferrum invicem exacte conjungantur, ne aqua in spatio
TTTT contenta effluat, machinæ autem canalis HH loco ponderis
cochlea firmetur. Machina hæc ferreis duobus fulcris RRRR eo
imponitur fine, ut mediantibus ansulis C C in æquilibrio circiter ha-
xens inverti, pro immittenda & eximenda materia destillanda, sine sui
apertura facilis negotio queat. Ignis machinæ AA mediante ignitabulo
huic accommodato admovetur. Quoniam vero Tinctor quidam vas
internum GG scopo suo minus necessarium judicaverat,

Fig. 6 externæ machinæ AA orificium H angustius parandum
esse Noster arbitratur, admittendis tamen insimul pannis tingendis
proportionatum.

Atque hæc de Instrumentorum apparatu, siisque utendi modo.
Emolumenta eorundem quod spectat, docet Idem (1) hac ratione pau-
cis carbonibus, v. g. VI aut VII unciarum, brevi temporis spatio, carnes,
cuniculos, columbas, pisces, legumina &c. imo vetustiorum animalium,
v. g. vaccarum, carnes duriores ac ipsa ossa ad mollitatem decen-
tem atque gratam percoqui posse, ita quidem, ut justo quamvis co-
quantur diutius, haud tamen adeo facile adurantur.

(2) Gelatinas breviori manu & in majore copia, ex solidissi-
mis etiam, v. g. bubulis & ovillis ossibus parari posse; siquidem
per hanc encheirisin ossa sui ponderis duplum aut triplum, cornua
cervi quintuplum gelatinæ exhibeant, illudque in substantiam caseo,
quem Parmesan appellant, mollitie & sapore non dissimilem con-

vertant. Sicut autem virtutem singularem nutriendi, & humorum, acrimoniā, ex sale conditis & fumo induratis carnibus contractam, corrigendī gelatinis cunctis, hac potissimum ratione præparatis, insisse supponit: ita hoc experimenti genus navigantibus præprimi proficuum commendat, & præterea eandem gelatam substantiam vitris, vasis Sinensibus, & fragmentis eboris, succini &c. conglutinandis vel redintegrandis egregie inservire, expertus testatur.

Nec (3) dulciariis similisque artis hominibus machinam hanc inutilem futuram credit, partim ad fructus commodius & sine notabilis corrugatione exsiccандos; partim ad eosdem in succo proprio, cum & sine saccharo condiendos & conservандos, diversisque experimentis probabile negotium reddit.

(4) Fructuum succos eadē rationē in potus & vina suavissima, interveniente fermentatione, posse converti: quae non adeo facile acescant ac corrumpantur, nec torinā & flatū gignant, nec caput peuant, summē tamen confortent ac nutritant.

(5) Pariter hac encheirisi Extractiones Chymicas facilitari valde atque juvari statuit, præsertim ejusmodi parandæ si tinturæ sunt, quarum confectio alias difficilior observatur, v. g. Tinctura salis tartari, & succini: quam utramque brevi temporis spatio efficaciem & saturatiorem, priore inque lixiviosam magis, ac intra mensem vulgaris distillationis opere evadere potuisset, hac effectam via se degustasse perhibet. De stillationibus vero, quia mediantibus descriptis vasibus adornantur, hoc tribuit commodi, quod partim faciliores sint, quippe per descensum factæ; partim nihil substantiae destillandæ perdant. Destillationibus tamen hisce potissimum accommodata et fig. 5 delineatam machinam, pisturæ quoque, per carbones fossiles administrandæ, inservire coniicit.

(6) Tinctoribus inter alios effectus hanc ex lebetibus descriptis utilitatem promittit, quod diu satis materia tinctilis ac pannitingendi, in calore etiam intensiore, sine sui tamen destructione in iis conserventur, & particulatum volatilium exhalationes impediuntur; unde effici obseruat, ut ejusmodi quoque succi, v. g. pfunorum, quorum alias viscositas facit, quo minus in corpora tingenda penitus insinuare se possint, ad hoc præstandum quam aptissimi reddantur.

Tandem Experimentorum illorum, quæ in durioribus corporibus




TAB VII. ad A. 1682.
pag. 109.

Eclipsis lunæ totalis cum mora
Anno 1682 die 21 Febr.
observata

Fig. 1.

Phases decrescentis ad totalem.
obscurationem usq.

21 Febr. vesp.




GEDAN^g

â Heveli^s.

Fig. 2.

Phases Crescentis à recuperatione
luminis ad finem Eclipsi.

22 Febr. mane.



Andreas Söhn sculps. lin.

ribus, v. g. Succino, Ebore &c. emolliendis observavit, varios successus refert; & inter hos, quod Gummi Copal equidem facilius, nullo vero caloris gradu succinum, sine particularum integralium secessu, nec cornu bovinum per se, nec ebur, ullo liquore affuso, emollire potuerit; idem tamen cornu bovinum, & chelonium cum aqua cocta ad flexibilitatem & mollitatem egregiam perduxerit, quam ipsam non nisi post triduum aut quadriduum deposuerint, quamque adeo variis exinde parandis utensilibus credit inservire. Ne autem impensa, ad machinam hanc patandam necessariae, emolumentum inde expectandum videantur superare, suppitationem & collationem hujus illarumque sub finem scripti annexit, cum paucis adhuc notis, usum machinæ commodiorem concernentibus.

Eclipsis Lunæ Totalis cum morâ,

Anno 1682, die 21 & 22 Febr. vesp. & mane st. ii.
observata

G E D A N I

^a
JOH. HEVELIO.

TAB.
VII,

Temp. sec. hor. am- bulator.	Ordo Pha- sium	Digiti ecliptici	Per quas maculas transiverint Umbræ sectiones, & quæ insuper notata & observata fuerint.	Tempus ex Altit. cor- rect.
Hor. / //				Hor. / //
8 41 18			Altitudo Palilicci 39° 53'	8 40 46
8 44 9			Eadem altitudo 39 27	8 44 20
8 48 14			Denuò repetita 39 0	8 47 59
10 8 20			Initium penumbrae dilutissimæ	10 9 0
10 12 50			Penumbra densior	10 13 20
10 19 5			Penumbra adhuc crassior	10 19 36
10 23 50			Penumbra densissima	10 24 24
10 24 30			Initium Eclipses circa 125° limbi, in 95° sc. a puncto superioris lineæ perpendicularis Nonagesimi, ortum versus contigit.	10 25 5

ACTA

Temp. sec. hor. am- bulator.	Ordo pha- siūm.	Digitī Ecliptici	Per quas Maculas transiverint Umbræ sectiones, & quæ insuper notata & observata fuerint.	Tempus ex Altitud. orrect.
Hor. / //				Hor. / //
10 29 45	I	1 $\frac{1}{4}$ digit.	Incedebat per Montem Germanicium, ad mare Syrticum & Montem Acabe.	10 30 30
10 32 13	2	2. fere	Per Montem Porphyriten, loca paludosa Ins. Cercinnæ, Sinum Syrticum, per M. Sacrum & M. Casum.	10 32 50
10 36 30	3	2 $\frac{1}{2}$ fere.	Ad M. Baronium, Ins. Aethusam, per medium Sin. Sirbonis, & M. Pha- ran.	10 37 10
10 43 25	4	3 $\frac{5}{8}$	Per Sinum Apollinis, M. Etnam, Ins. Letoam, ad Ins. Didymam.	10 44 10
10 47 25	5	4 $\frac{5}{8}$ dig.	Ad Ins. Majorcam, Vulcaniam, Lemnos Carpathos, & M. Horeb.	10 48 15
20 52 20	6	5 $\frac{3}{4}$	Ad Lacum nigrum Majorem, per M. Ar- gentarium, Sipylum, Masicytum, Tabor, Sinai, & desertum Raphidim.	10 53 10
10 55 45	7	6 $\frac{1}{8}$	Per scopulos hyperboreos, Ins. Besbi- cum, M. Olympum, Didymum, & M. Antilibanum.	10 56 40
II 0 33	8	7 $\frac{3}{4}$ dig.	Ad Ins. Cyaneam, M. Horminium, Mon- tes Uxii, & M. Coibacaranos.	II 1 30
II 4 30	9	8 $\frac{1}{2}$	Per M. Ambonum, ad I. Apolloniam, & Sin. Atheniensem, Per M. Moschum, Uxii & Coibacaranos.	II 5 30
II 9 59	10	9 $\frac{1}{4}$	Per Lacum Hyperboreum superiorem, Pal. Byces, Per M. Herculis, & Sinum extremum Ponti.	II 10 55
II 13 30	II	10 digit.	Per Lac. hyperb. infer. M. Cimmerium, & ad S. infer. Maris Caspii.	II 14 27
II 16 30	10	10 $\frac{1}{2}$ fere.	Per M. Riphæos, P. Maeotidem, Ins. Alo- peciam, ad Ins. majorem Maris Caspii, per Montem Nerosum.	II 17 17
				Temp.

ERUDITORUM.

III

Temp. sec. hor. am- bulator.	Ordo Pha- sium.	Digitii Ecliptici	Per quas Maculas transiverint Umbrae sectiones, quæ insuper notata & observata fuerint.	Tempus ex Altit. cor- rect.
Hor. / /				Hor. / /
II 19 10	13	II $\frac{1}{4}$	Ad Ripam Paludis Mœotidis & Mont. Hippoci.	II 20 10
II 22 0	14	II $\frac{1}{2}$	Per M. Alaunum, & lacum occident.mi- norem.	II 23 0
II 26 30	12 digit		Totalis obscuratio circa 297° limbi, in 94° sc. a puncto super. linea perpendic. Nonagesimi ortum versus deprehensa.	II 27 30
II 35 36			Altitudo Poſlucis 52° 13'	II 37 4
II 37 35			Eadem Altitudo 52° 0	II 38 42
II 38 50			Rursus repetita 51° 41'	II 39 39
12 58 20	die 22	Febr. mane	Récuperatio luminis, circa 118° limbi, in 88° sc. a puncto superiori linea perpendicularis Nonagesimi occa- sum versus exitit.	I 0 8
I 0 40	15	$\frac{1}{2}$ digit	Ad M. Alabaſtrinum, Pentadactylum, Audum & P. Maræotidem.	I 2 31
I 3 35	16	1 $\frac{1}{4}$	Per M. Porphyritem, ad Mare Syrticum, & per Montem Eoum.	I 5 32
I 8 10	17	2 fere.	Per M. Baronium, loca Paludososa Inf. Cercin. inter Mare Syrticum & Ägy- ptiacum ad Sinum Sirbonis.	I 10 13
I II 48	18	2 $\frac{1}{2}$ dig.	Per Sinum Apollinis, Inf. Täraciniæ, I. Äthusam, Sinumque Sirbonis.	I 13 54
I 16 20	19	3 $\frac{1}{2}$	Ad Inf. Majorcam, per M. Ätnam, M. Neptunum, Zacinthum, Inf. Leto- am, Inf. Didymam & M. Lyon.	I 18 33
I 20 50	20	4 $\frac{1}{2}$ dig.	Ad Inf. Corsicam, per Inf. Vulcaniam & Carpathos, ad Mare Mortuum, per desertum Sin.	I 23 6
				Temp.

ACTA

Temp. sec. hor. amb. Hor. I //	Ordo Pha- siūm.	Digitī Ecliptici	Per quas Macula transfixerint Unibrā sectiones, & quæ insuper notata & observata fuerint.	Tempus ex Altit. correct. Hor. I //
I 24 39	21	5 $\frac{1}{4}$ dig.	Ad M. Argentarium, Mare Pamphilium, Inf. Cyprum, per M. Horminium.	I 27 0
I 26 15	22	6 fere	Per M. Apenninum, ad Lac. Trasime- num, ad M. Sipylū, per M. inf. Libanum.	I 28 40
I 28 32	23	6 $\frac{1}{2}$	Ad M. Carpathos, per Inf. Besbicum, M. Olympū, Didymū & M. Dalangueros.	I 31 0
I 31 12	24	7 $\frac{1}{4}$ dig.	Per M. Peuce, Byzantium, ad M. Hormi- nium, & per M. Antitaurum.	I 33 44
I 35 59	25	8 $\frac{1}{4}$	Per Sin. Circinitem, Inf. Macram, Inf. Apolloniam, Medium Montem Mo- schum, atque Montes Sogdianos.	I 38 37
I 39 33	26	9 dig.	Per lacum hyperb. inferiorē, Pal. Byces, M. Strobilum, per Sin. extremum Ponti ac M. Paropamisum.	I 42 15
I 41 45	27	9 $\frac{3}{8}$ dig.	Inter Palud. Byces, & Lac. Coroonda- metis, per M. Herculis, & Montem Caucasum inferiorem. (rosum.	I 44 30
I 44 19	28	10	Per M. Cimmeriū, M. Tancon, & M. Ne-	I 47 9
I 47 20	29	10 $\frac{1}{2}$	Per Paludē Mæotidē, Inf. minorē Maris Caspii, Montemq; Nerosum superiorē.	I 50 14
I 51 44	30	11 paull. plus.	Per M. Alaunum, M. Sanctum, Montes- que Hippoci,	I 54 42
I 56 12		12 digit.	Finis circa 294° limbi, in 97. sc. gradu a puncto superiori linea perpendicularis Nonagesimi occasū versus contigit.	I 59 17
I 57 10			Densissima Penumbra.	2 0 17
2 1 15			Satis adhuc crassa.	2 4 27
2 2 30			Paullo dilutior.	2 5 45
2 10 20			Penumbra dilutissima.	2 13 42
2 12 30			Finis Penumbrae.	2 15 0
2 15 39			Altitudo Pollucis 29° 12	2 19 7
2 17 35			Eadem Altitudo 28 46	2 22 8

Ante

Animadverenda

In Eclipsi, Anno 1682, die 21 & 23 Febr.

G E D A N I

observata.

Cum Tabulae Rudolphinae bene notabilem hac die Eclipsin, & quidem totalem cum mora ostenderent, quales exquisitae observare raro alias contingit: proinde summa alacritate ad illam ex mea rursus, Dei benignitate, erecta Specula, attendi; præprimis cum cœlum omnino sudum extiterit, ut quævis exoptatissima, hac in parte, mihi policerer. Totam igitur diem 21 Febr. impendi, partim ut horologia ad Sciatericum lineæ Meridianæ applicatum dirigerem, atque sic omnia parata haberem, quæ ad ejus generis observationes requiruntur.

Ingruente Eclipsi Umbra erat valde diluta, limbusque ejus quasi anfractuosus, & minime terminatus, sic ut difficulter admodum ab initio phases determinari potuerint, nec accurate distingui, per quas Maculas umbra transiret: successu tamen temporis, crescente Eclipsi, distinctius omnia deprehendebantur. Color ab initio videbatur satis tristis, obscurus, & fuliginosus, ac si hæc Eclipsis, eadem ratione, circa maximam obscurationem, ut illa Anno 1642 Mens. April. adeo sese obumbratam sistere vellet, quo vix conspiceretur; sed res plane aliter cecidit, siquidem Luna cum jam omnino esset eclipsata, totus tamen ejus discus satis clare in oculos incurrebat: color namque ejus tum omnino rubidus sive sanguineus, aut rubiginosus erat, qui eousque perseverabat, donec Luna ad medietatem lumen suum recuperasset, atque tum rursus satis obscura & fuliginosa apparuit; adeo ut omnium optime phases omnes, per quas nimurum Maculas Umbra transierit, annotata fuerint. In summa, hujus Eclipseos observatio ex voto nobis successit; non solum enim Initium & Finem, sed etiam ipsum momentum Totalis obscurationis, & Recuperationis luminis, cum 30 phasibus (quod raro admodum contingit) diligentissime mihi deprehendere cœlum indulxit. Per quas vero Maculas Umbrae sectiones incesserint, tum quid amplius notatu dignum, sub tempore Eclipseos exti-

extiterit, ex ipsa observatione atque delineationibus ad oculum clare patet, non minus ex subsequenti Tabella, quo usque Calculus Rudolphinus ab hac observatione, atque sic ab ipso celo discedat.

	Ex calculo Ru-			Ex Observa-			Differentia.	
	dolphino.			tione.			Hor. /	Hor. /
	Hor. I	II		Hor. I	II		I	II
Initium Eclipseos	10	13	33	10	25	5	11	32
Totalis Obscuratio	11	10	11	11	27	30	17	19
Maxima Obscuratio	0	5	43	0	13	49	8	6
Recuperatio luminis	1	1	15	1	0	8	11	7
Finis Eclipseos	1	57	53	1	59	17	1	24
Duratio total. obsc.	1	51	4	1	32	38	18	26
Tota duratio Ecli-	3	44	20	1	3	34	12	10
pseos.							8	brevior

Eadem ECLIPSIS

observata

LIPSIÆ.

Temp. sec.	Altitudi-	Tempus	
horolog.	nibus.	correctum	
ambulat.			
Hor. /	G. /	Hor. /	
8. 35	36. 0	8. 16. 32	Altitudo Reguli. dub.
9. 8½	40. 20	8. 49. 48	Altitudo Palilicui.
9. 13	39. 32	8. 55. 40	Eadem altitudo.
9. 49	15. 30	9. 34. 0	Altitudo Arcturi. Penumbræ vestigium.
9. 52		9. 37. 0	Penumbra.
9. 58		9. 43. 0	Penumbra.
10. 6½	18. 22	9. 52. 44	Altitudo Arcturi.
10. 10	18. 56	9. 56. 28	Altitudo denuo capta,
10. 15		10. 1. 0	Initium æstimatum, aut Penumbræ dens.

Tem

Temp. sec. hor. am- bulator.	Altiti- tudi- nes.	Tempus correxitum.
Hor. /	G. /	Hor. / //
10. 15 $\frac{1}{2}$		10. I. 30
		Initium verum, in parte Africæ, pro- pe montem Audum, in mari Eo.
10. 28	21. 48	10. 14. 56
		Altitudo Arcturi.
10. 44	24. 18	10. 31. 0
		Eadem altitudo.
10. 54	26. 0	10. 41. 56
		Altitudo Arcturi,
10. 57	26. 20	10. 44. 4
		Eadem altitudo.
10. 59	26. 30	10. 45. 58
		Rursus capta.
II. 3		10. 50. 0
		Palus Mœotis obscurari incipiebat.
II. 5		10. 52. 0
		Sectio umbræ per medium Palud. Mœot.
II. II	28. 27	10. 57. 36
		Altitudo Arcturi. Immersio in umbrā.
12. 45 $\frac{1}{2}$		12. 38. 0
		Emersio ex umbra.
12. 47	43. 55	12. 39. 36
		Altitudo Arcturi.
12. 51 $\frac{1}{2}$		12. 44. 0
		Palus Mæotis in medio inter um- bram & marginem Lunæ.
12. 57		12. 49. 30
		Mons Porphyrites in medio inter um- bram & marginem Lunæ.
13. 2		12. 55. 0
		Sinus Sirbonis totus ex umbra.
13. 5		12. 58. 0
		Mons Ætna diametro sui ipsius ab umbra.
13. 10		13. 4. 0
		Umbra per medium Monsis Sinai.
13. 11		13. 5. 0
		Mons Sinai totus ex umbra.
13. 12 $\frac{1}{2}$		13. 6. 30
		Mons Sinai diametro sui ipsius ab umbra.
13. 15	21. 54	13. 8. 50
		Altitudo lucida Lyræ.
13. 17	22. 10	13. 11. 2
		Eadem altitudo.
13. 21		13. 25. 0
		Sectio umbræ per medium Paludis Mœtidis.

Temp. sec. hor. am- bulator.	Altitudi- nes.	Tempus correctum.	
Hor. / G.		Hor. / //	
13 35		13. 29. 0	Palus Mœotis tota ex umbra.
13. 39 $\frac{3}{4}$		13. 34. 0	Finis Eclipseos, prope Insulam majorem in mari Caspio, ubi Hippocimontes sunt.
13. 44	25. 47	13. 38. 16	Altitudo lucidae Lyrae.
13. 47	26. 13	13. 41. 28	Eadem altitudo.
13. 53 $\frac{1}{2}$	27. 10	13. 48. 34	Rursus captā.

Fuit ergo

H. / //

Initium Eclipseos	10.	1.	30.
Immerſio in umbr.	10.	57.	30.
Medium Eclipseos.	11.	47.	45.
Emerſio ex Umbra.	12.	38.	0.
Finis Eclipseos.	13.	34.	0.
Digitii Eclipsati			

Ex Tab. Riccioli

H. / //

9.	29.	53.
10.	29.	22.
11.	25.	4.
12.	20.	45.
13.	20.	15
21.	51.	0

Cometarum Natura, Motus & Origō,
 Secundum JOH. HEVELII & P. PETITI
 Hypotheses declarata,

a

JOH. CHRISTOPHORO STURMIO, Math. & Phys. Prof.
 Altdorfi in 4. 1681.

ARGUMENTUM HOC, quod seculo abhinc integro celeberrimorum Mathematicorum fatigavit ingenia, occasione nuperi Cometæ Annii 1680, ita sibi tractandum sumvit Autor: ut expositis Cometarum sesquiseculo abhinc accurate observatorum phænomenis, binam Hypothesin Cometarum, e Planetarum quidem, & præcipue Solis, effluvius in æthere fluidissimo genitorum, motuque rectilineo aut parabo-

parabolico trajectorum, ad HEVELII; Mundo autem cœvorum, & sub certa periodo, circuliauit ellipsoes lege, in conspectum redeuntium, PETITI, tanquam præcipuorum harum Patronorum, placita dilucide explicaret; suamque tandem, utra phænomenis magis responderet, & quid in unaquaque desiderari jure posse, sibi videretur, επί-
κριτικον subnecteret.

Itaque post phænomenon generalium contemplationem, ex instituta Cometas inter & Novas stellas, circa inexpectatum exortum, frequentiam, durabilitatem, comparatione; condita durationis illorum, præcipue novissimi (quem matutinum primo, post vespertinum, & hic, & in Epicrisi contra Dn. MONTANARIUM prelixius, pro eodem habet) historia; aliisque circa apparitionis tempora, plurium concursum, vicinas Planetarum conjunctiones, adnotatis: specialius I. Capitum seu Nucleorum Cometorum magnitudinem, figuram, alterationes, incrementi & decrementi, colorumque vices, locum in Universo, & species: II. Caudarum situm ad Solem ejusque variationem, longitudinem ac latitudinem, inflexionem, vibrationem, in ramos aut radios divisionem, colores &c. III. Motum Com. duplum, communem & proprium, & hunc sub circulo ut plurimum maximo, notata quorundam, nuperimi cum primis, ab eo deflexione; ejus porro inæqualitatem, non tamen irregularem; varium per signa, in eadem diversisque, incessum; arcus in celo descripti quantitate; veri denique & apparentis motus similes, quandoque & contrarias vicissim uides, compendioso delectu habito, nec circa unius aut alterius censuram, e Cometarum historia recenset.

Juxta HEVELII deinde Hypothesin: Cometarum genesis, e probatis partim, partim suppositis Planetarum Atmosphæris, Maculasque Solares inter & Cometas convenientia, ita describit, ut & phænomena supra memorata salvet singula: & quod palmarium, motum trajectorum, a principio ad usque metam, non inconcinna ratione, e Cometographia Cel. HEVELII deducat.

Circa alteram: PETITUM, occasione Cometa anni 1664, pensato regulari Cometarum motu, inductum statuisse, refert:

Cometas corporibus cœlestibus cœvos, inter opaca & lucida medios, i. e. semilucidos, aut in circulo; sive toto extra sphærām Planetarum posito; sive, quod probabilius, eandem totam, aut maxima

parte, ambientē; aut (quod retrogradatio Cometæ dicti ipsum, mutata priori sententia decernere docuerit) in ellipſi, circa perigeum saltim conspicuos, moveri. Unde, cum necessum sit, eosdem absoluta periodo in conspectum denuo prodire: collato illo superiori, cum Cometa Anni 1618; divisis etiam, juxta intervallum, quod inter utrumque est, annorum 46, anterioribus temporibus; quia complures Cometas in confiniis hujus periodi historia memoret: verosimile esse, unum eundemque diversis istis viciis comparuisse. Ex quo porro & posteris, de reliquorum periodis, & redditu determinandis, rationem aliquando constitutam.

Comam vero & Caudas ex effluviis æthereis generari: quæ ob viam Cometis facta, & ob peculiarem illorum fabricam circum ipsos collecta, dum sibi invicem cohærere connitantur, partim comam, partim appendicem caudiformem constituent, lumineque mutuatio illustratam, utramque Terris ostendant; Soli autem, velut expurgando ætheri, devoranda objiciantur.

In Epicrisi, commissis cum utraque Hypothesi argumentis, quæ easdem aut fulciunt, aut premunt:

Cometarum perpetuitatem, cum e manifesta Caudarum a Sole dependentia; tum præcipue mutationibus singularibus, & incrementis realibus ac evidentissimis corporis Cometici; ut & difficultatibus conciliandi motum, sive circularem sive ellipticum, cum phænomenis, rejicit: laudata interim non tantum PETITI, sed & ex Lubeniezio, institutaque consimili, inter Anni 1577 & 1680 Cometas comparatione, suppleta & magis instructa, revolutionis annorum 46 per complures Cometas deprehensæ, observatione,

Generationi vero HEVELIANÆ, tam capitis quam caudæ cometicae; motui item rectilineo, aut ab hoc non multum diverso, tanquam maximis apparentium motuum anomaliis, ad causas opticas scite reducendis, aptissimo, potiores defert: dilutis illis, quibus PETITUS, e natura Macularum Solarium, generationis modum; & motum, rectæ tangentis hypothesi nixum, diffensu observationum, oppugnaverat. Circum assigñandas autem causas, quibus, juxta HEVELII Hypothesin, Cometa ex orbe nativo recta linea ejiciatur; prope Solis porro perpendiculari, nullo accidente novo impetu, motum intendat; ad sphæram deinde natalem retrahatur; toto vero cursu

suo

suo planiorem disci faciem Soli objiciat; circa nodos etiam, a Tellure
sive mota sive immota, nexos, ut plurimascitu digna discutit: ita omni
parte absolutam nobis nondum esse scientiam Cometicam concludit.

FRIDERICI SPANHEMII, F.

*Specimen Stricturarum ad Libellum nuperum Epi-
scopi Condomiensis, cum Prefationis supplemento. Accedit
de Prescriptionis Jure adversus Novos
Methodistas,*

Exercitatio Academic a.

Lugduni Batav. in 8. Anno 1681.

Collectum hoc est Scriptum ex Disputationibus ibidem habiti;
(in prefat. pag. 1. & de prescript. pag. 119.) adeoque ex toto Pole-
micum, imo Elenchiticum;

PRIMARIO contra Expositionem Doctrinae Catholicæ Jacobi Be-
nigni Bossueti, Episcopi olim Condomiensis, post Delphino Galliae ab
informatione, hodie Meldensis Episcopi:

SECUNDARIO contra præscriptionem novorum Methodistarum inter Romano-Catholicos, e quibus Fratres Walenburgios im-
pugnat cumpromis; quia in Appendix, de re nec nova nec ignota, ul-
teriorius nihil est annotandum. Expositio vero Bossueti primum edita
fuit A. 1671, recentissime iterum A. 1679 (apud Spanhemium in Speci-
min. p. 107.) scripta ad emollienda Catholicorum, quæ Reformati im-
probantur, dogmata, & quidem non, ut Romano-Catholici & Refor-
mati tolerent se mutuo; sed ut hi ad illos reduci se patiantur. Aliud
enim (a Conciliatoribus,) illi institutum, non doctrinae suorum repur-
ganda, verum palliande modo, ac sanctitati illius, etiam qualis in Concil-
lio Tridentino definita est, persuadendæ Reformati; Spanh. in prefat. p.
26. In hunc finem decreta Concilii Tridentini passim inflectit; non
nunquam etiam ab ipsis revera discedit: contra Spanhemii præcipu-
us labor, detegere has artes atque declinare.

Bossuetus Libellum suum (sic Spanhemius ipse in Strictur. p. 29.)
duabus fere partibus distinxit; quarum prima Generalis, propositionem
& hypotheses; altera Specialis, singulorum Capitum declarationem
com-

complexa. Hæc rursum orditur ab iis, quæ ad *Cultum* pertinent; fæto hinc transitu ad *doctrinæ* capita, de justificatione & annexis; tum ad controversias *Sacramentarias*, in specie de Eucharistia, Transubstantiatione, Missæ sacrificio, Communione sub unica; tandem ad Fidei principium, *Traditiones* seu Verbum non scriptum, hinc & Ecclesiæ *Autoritatem*. Ad calcem, subjuncta parænesi, leges præscribit cuiusque suum hoc scriptum adorturo. Has binas decernit. Prima est, ne quis doctrinam eo comprehensam confutandam suscipiat, aut ad Theologorum suorum Disputationes expendat, qui probandam explanandamve Tridentini Concilii doctrinam, variis inde argumentando deducunt, suscepunt. Altera, utin arenam descensurus, probet Romanae Ecclesiæ fidem non esse hic sincere expostam; aut ea ipsa expositione admissa, relinquì questiones integras & validas objectiones nostrarium; aut denique sic explicatam Tridentinorum doctrinam nihilominus fidei fundamenta convellere.

Duas etiam partes Refutationis suæ fecit Spanhemius; *Præfationem*, in qua excerptit nonnulla dogmata, quæ refutet; & *Stricturas*, in quibus narrat πόδα persequitur Adversarium, sed in primis Expositionis capitibus tantum, e quibus institutum ejus, methodum ac hypotheses eruit ac refellit; otium nimirum facientibus ipsi nonnullis Reformatis in Gallia, qui Animadversiones ad hoc Scriptum in lingua Gallica, translatas nuper in Belgicam, in lucem publicam jam tum emiserant; *præfat.* pag. 1. & 2. & *Strictur.* pag. 1. Imo ne Rom. Cathol. quidem hæc Expositio omnino placuit. Hinc Clemens X calculo eam suo probare noluit; nec Innocentius XI id fecit, nisi tertio Pontificatus sui anno labente; permotus crebro Legati Gallicani convitio ac multa persuasione plurimarum ex libello conversionum, mireque propagationis orthodoxæ fidei; *Spanb. in strictur.* p. 112. 113.

Notatu digna est ingenua Spanhemii Confessio

1.) De Syncretistis inter Reformatos, in *Strictur.* Non omnibus promiscue Lutheranis jus Communionis a Reformatis oblatum, non iis certe, qui eandem horrent, quique juxta cum Roma Pontifícia heresos nos postulant & anathematismis feriunt; pag. 81. sed professis consensum mutuum, in necessariis Capitibus; Ubiquitatis illo haud relato in fundamentalium censum; pag. 81.

2.) De Lutheranorum cultu, in quo nihil idolatriæ, in quo nihil super-

Superstitionis; quod Carentonensis Synodi assertum ille facit suum & prolixè probat ex doctrina & praxi nostra in S. Coena; *ibid. pag. 91.*

SELEUCIDARUM IMPERIUM,
sive *Historia Regum Syriae ad fidem Numismatum*
accommodata,
per I. Foy-Vaillant Bellov. D. Med. & Regis
Antiquarium.
Lutetiae Parisiorum, 1681. in 4.

Quam integro, eoque profunda eruditionis libro ante annos aliquot asseruit Ezechiel Spanheimius præstantiam ac usum Numismatum, tantum abest ut hoc tempore quisquam vocet in dubium, ut certatim velut ac emulatione quadam Historiæ ex Numismatibus illustrandæ Viri docti incumbant. Et Romanæ quidem Historiæ quanta lux ex Nummorum fide superiore nostroque seculo allata sit, Eruditissimorum virorum, Hub. Goltzii, Caroli D. Arschotani, Gorlei, Oconis, Erizzi, Ursini, Augustini, Stradæ, Vici, Triflani, Oudani, Vaillantii, Patini, Oiselii, plurimumque aliorum commentarii publice extantes, ignorare neminem patiuntur. Ast non omnem tamen nummaria rei usum in Romana tantum Historia spectari, sed latius multo patere, ut in aliis Eruditæ Antiquitatis Historiæque partibus explicandis non pauci dudum comprobarunt; quorum catalogum in Bibliotheca nummaria Phil. Labbeus contexuit; ita nuper Parisius Triumviri celeberrimi, Molinetus, Fresneus, Vaillantius illustribus exemplis confirmarunt. Nam anno 1679 *Summorum Pontificum Historiam* a Martino V, ante quem nulla Romanorum Pontificum Numismata visa confitetur, ad Innocentium usque XI hodieque superstitem, ex Numinis jussu eorum, aut in illorum honorem cisis illustratam, Claudius du Molinet Canonicus Regularis Congregationis Gallicanæ, in lucem dedit. Eodem anno Carolus du Fresne, Dominus du Cange, Dissertationem de *Imperatorum Constantinopolitanorum*, seu de inferioris ævi vel imperii, ut vocant, *Numismatibus*, Glossario ad Scriptores mediae & infimæ latinitatis subjunxit: anno 1680 vero iustum de *Familis Byzantinis* Commentarium edidit, eoque & Historiam Byzantinam, Principumque qui Constantinopolitanum ante Turcas impe-

Q

Imperium tenuerunt, quin & Dalmaticarum & Tarcicarum quarundam Familiarum, Genealogias, ex Numisimatibus, & vicissim Numismata ex Annalium fide magno utilissimoque studio illustravit. Superiori denique anno 1681 *Selencidarum seu Syrie Regum Historiam*, ad eorum item Numismata accommodatam, Antiquarius Regis Christianissimi I. Foy-Vaillantius, idem qui anno 1674 Romanorum Imperatorum Numismata ediderat, publica luci exposuit; Ptolemæorum etiam Aegypti Regum Historiam pari se ratione cum tempore adornaturum pollicitus.

De Selencidarum vero illa *Historia* ut pro instituti ratione memorentur pauca, laudanda utique doctissimi Auctoris industria est, quam in colligendis Regum illorum Numismatibus, maximam partem rafissimis adhibuit, ut eorum ope integrum Regum Syriæ a Seleuco, primo Regni post Alexandri M. obitum conditore, ad *Antiochum usque XIII*, quo pulso in provinciæ formam Syria a Populo Romano Pompeji M. auspiciis redacta est, postquam CCXLIX annis Seleucidæ eam tenuerant, seriem exhibere: tot præterea Reges cognomines, quos Historici ludicris sœpe & ad ignominiam compositis, in nummis vero nuspian conspicuis, appellationibus notatunt, accurate distinguere: Chronogiam denique in Syriaca alioquin *Historia* intricatissimam evolvere posset ac restituere. Qua in readjutum se celeberrimorum Virorum, *Gnilbelmi Lamonii*, *Achillis Harlei*, *Petri Carcavii*, *Francisci de la Chaise*, liberali opera, in præfatione Auctori honorifica singulorum cum mentione deprædicat. Præmittitur Operi primum *Index Regum Syriæ*, quorum fuere viginti septem: post *Tabula Genealogica*, Selencidarum Stemma exhibens: denique *Canon Chronologicus*, quo præcipuarum rerum gestarum, juxta annos Olympiadum, ante Christum natum, Selencidarum, & singulorum Syriæ Regum conspectus sistitur. In Opere ipso illi plerumque viæ insitit Auctor, ut Regum gesta ex Scriptoribus antiquissimis recenscat, ac dein subjungat eorum Numismata, æri eleganter incisa, ac eruditæ dilucidata; notatis etiam quibusdam Auctorum recentiorum, *Huberti Goltzii* in primis, erroribus. Ubi Lectori Christiano volupati haud dubie erit, quæ in *Machæborum* libris traduntur, ex profanis Scriptoribus, Numismisque antiquissimis suppleta hic ac explica ta legere. Nec enim fallemur, si *Vaillantium*, dum Historiam Selencidarum

cidarum componeret, doctissimum nobis in Machabæorum libros Commentarium dedisse dixerimus, collatis diligentí studio Auctorum celebriorum, Polybii, Appiani, Justini, Diodori Siculi, Livii, Athenæi, Strabonis, Josephi, Nicolai Damasceni aliorumque monumentis. Subjiciuntur denique Operi tres Indices, primus Geographicus, nominum alterac rerum, tertius in Numismata, singulare industria compositi.

SAMUELIS RACHELII,

Institutionum Jurisprudentiae Libri quatuor, Jus universale & Romanum certa methodo, & utriusque Capitalia ex genuinis principiis exhibentes.

Kiliæ & Francofurti, 1681 in 4.

Scuti tum variis in lucem editis Φιλοσοφίας aliisque publici juris Exercitationibus, tum extraordinaria ad nupera Pacis Neomagensis Consilia Legatione, magnum sibi nomen comparavit eruditissimus Auctor: ita rem & Philosopho & JCTo omnino dignam fecit hoc Institutionum opusculo in publicum emissò, non plane quidem ad filium Justiniani, sed methodo nonnihil diversa contexto. Scopum vero ad quem utroque oculo collineat, ipse in præfatione ad solidioris Jurisprudentiae Studiosos in fronte libri præmissa, prolixius exponit. Cum enim quatuor potissimum causas corrupti haec tenus, nec eo, quo decuit, nitore exsplendescens Juris studii, Universalis scilicet Jurisprudentiae cum singulari Romano confusionem, Corporis Justinianei à que doddav, castioris Latii neglectum, nec non Philosophie Practicæ & Analytices contemptum enumerasset, notatisque variis inde natis incommodis ac erroribus, hunc præ cæteris, quod in Practicis nulla detur Demonstratio, nec vera Juris Scientia, sed omnia sint in incerto, & JCTi atque Judices ex dubia & cum formidine oppositi luctante semper conscientia lites decidere possint, confutasset; pressius paulo, quid in Institutionibus hisce præstiterit exequitur, se id data opera egisse scribens, ut non modo Jurisprudentiam Romanam Universali passim superstrueret, eumque ordinem, quem nemo πεπαιδευμένος reprehendere jure possit, eligeret, sed tyronibus quoque quandam Juris nomenclaturam daret, arctamque Practicæ Peripateticorum Philosophia,

Q. 2

(cui)

(cui præ Cartesiana & Hobbesiana Morali primas desert) & Juris prudentiæ inter se necessitudinem, ac insignem, si haec conjugantur, utilitatem ostenderet, nec non Demonstrationum Practicarum viam atque materiam ob oculos poneret. Hunc in finem se omnium rerum Definitiones, quales quidem natura earum permitteret, Cujacum in nonnullis secutum, concinnasse; his varias a quatuor Causalrum generibus petitas divisiones, aliasque universaliores & evidentes apprime Juris regulas attexuisse; interdum vero axiomatum & hypothesium loco admisuisse quædam, quæ methodo magis, quam demonstrationi inservirent: singulis demum aphorismis uberiorem εξήγησιν subiecisse, sicque per omnia has institutiones adornasse, ut tam futuris aliquando Antecessoribus, quam Togatis & forum sectantibus usui esse possent. Hujus itaque instituti memor a generalioribus ad specialiora semper progreditur, nec solum theses suas ex Aristotelis & Grotii doctrinis moralibus ad illustrandam Juris Romani, quam mox subjungit, hypothesis, & faciliorem ejus intellectum, confirmat; sed etiam cognatas passim materias, quæ alias partim in Pandectis & Codice, partim Jure Publico & Feudali tractari solent, convenientibus locis interferit, potissimum vero in tradendo Obligationum jure ita versatur, ut cum multis in hoc doctrinæ genere occupatis de palma contendere videri possit. Quibus omnibus cum Saxonici quoque Juris placita tantum non ubivis accedant, merentur omnino haec institutiones Rachelianæ cupidæ legum Juventuti præ complusculis aliis libellis Iægogicis commendari.

CHRISTIANI MENZELII, Ph. & Med. D.

Elect. Brand. Archiatri

Index Nominum Plantarum multilinguis, Universalis.
Berolini, 1682, fol.

Cum nullibi magis, ac Vegetabili in Regno, opes suas tanta umeritate ac varietate depromere soleat Natura Parenis Rerum, haud levis momenti negotium incumbit Botanicis, ut aptis nominibus partim tot Vegetabilium species, & unicuique multiplices differentias designent, partim certas in classes luxuriosam eorum multitudinem concinno ordine redigant. Posteriori hoc, Botanicis magis proprium lauda-

laudabili conatu præ ceteris aggressi sunt *Baubini*, *Cassparus* & *Johannes*, Fratres, *Medici Basileenses*, haud raro tamen sibi contrariantes, & qui omnibus hic palmam reddit dubiam *Rob. Morisonius*, Prof. Botanicus Oxoniensis. Prius vero istud, nominum scil. impositio, commune quasi omnibus concessum videtur Privilegium; unde non solum in quavis lingua specialis plantas denominandi ratio notatur, sive ab Eruditis sive Plebejis profecta, sed etiam plura & distincta, haud raro penitus diversa nomina, eidem simplici Plantæ in una eademque lingua imposita fuerunt; id quod in Latina præcipue obtinet. Turbat ista nominum multiplex varietas non leviter Rei Herbariæ studiosos, & in lectione Scriptorum, tam Latini, quam cuiusvis alterius idiomaticis insigniter subinde eisdem remoratur, specialibus istis & propriis, iisque variis plantarum Nominibus non æque semper cognitis, nec ubivis obviis. Incommodis his medicinam afferre nititur Autor præsentis scripto, indicem Herbarum multilinguem, a filio ejus exercitii Botanici causa ex optimis Autoribus compilatum, sed ab ipso Parente adornatum ulterius & perfectum, comprehendente. Prostant in eodem nomina Plantarum, tot seculis in hunc usque diem ab omnibus tanquam usitatissima recepta, instar fasciculi in unum collecta, & juxta Alphabeti Latinorum seriem ordinata; Eaque non solum, quæ in Latina, Græca, & Germanica Lingua usitatoria sunt, sed etiam, quæ aliarum gentium, Europæarum in primis, hinc & Asiaticarum, Africanarum & Americanarum linguis iisdem imposita observantur. Ut ita non solum cuiusvis plantæ in quavis Lingua appellatio uno quasi intuitu pateat, sed etiam Lectori cuilibet in sua lingua evolvendi libros herbarios detur ansa, si quid circa quamlibet herbam ulterius scire desideret: adeo ut index hic minoris Lexici Botanici, nunquam non amplificandi, cum indies in re Botanica suboriantur nova & addenda, tam verba sive nomina, quam subjecta sive res ipsæ, loco inservire queat. Collecta fuerunt nomina ex quibusvis Scriptoribus, tam superiorum quam hujus seculi, quotquot ad præfens institutum aliquid conferre potuerunt, Botanographis pariter ac Medicis, quam Lexicographis, quorum etiam genuina loca ubique citata prostant, ut ex amplio eorundem Catalogo, in & post præfationem conspicio, patet. Nec in sola Nomenclatura hæsit autor, sed & species & differentias plantarum suis quasi generibus subjunxit, & specialiores florum differentias, juxta ordinem colo-

rum in Iride cœlesti observabilium, dispositis, simulque virtutes herbarum, parcus licet, ex *Dioscoride* adjecit. Additur his in fine Pugillus plantarum rariorū cum figuris æneis, ab Autore in variis Europæ regionibus observatarum, nec ab aliis descriptarum, quarum, ut & in textarum plantarum nonnullarum Brasiliæ, nondum editarum, ac quarundam Breynii rariorū in *Fasciculi Rarior. Plantar. Prodromo* contentarum, indiculus, in calce operis accessit. Ubi Autor simul spem facit, edendi a se aliquando *Theatri rerum Naturalium Brasiliæ, in IV Volum. digesti*, continentis imagines quadrupedum, avium, piscom, & plantarum Brasiliensium, jussu Principis Mauriti Nasso viensis in ipsa Regione Brasilia quondam depictas, indeque in Europam transportatas, sed quæ privatim in Bibliotheca Elect. Brandenburgica hactenus asservatae, publicæ luci nondum expositæ fuerunt,

**OBSERVATIO CIRCA PROPORTIONEM
partis purpureæ ac substantiaæ sero-gelatinosæ
Sanguinis, intravasa animalium fluctuantis.**

Massa Sanguinea tria involvit, serum aqueum, substantiam gelatinosam seu fibrosam, ac Tincturam rubicundam, i. e. sanguinem nat. έξοχην sic dictum. Quoniam vero in Sanguine per Venæ sectionem educto & coagulato gelatinosa dicta portio partim tincturæ purpureæ intertexta est, & spissitudinem huic confert, partim a sero aquo dissolvitur atque diluitur, duplex tantum, serosa sc. ac purpurea, substantia hactenus observata & credita fuit, donec sub medium praesentis seculi accuratius fluidi hujus animalis examen gelatinam illam nutritiam detegeret quidem, qualis tamen sit has inter sanguinis partes integrantes proportio, ulteriori investigationi destinaret. De sanguificationis proin organo ac modo aliquando sollicitus ambigebam, aut potius augurabar, tantillum forsitan Purpuræ sanguineæ esse, quod tantas de sui causa efficiente atque productionis ratione turbas & contentiones inter Anatomicos magnæ famæ excitasset, tantamque viscerum aquarum omnia, sc. epatis, lienis, cordis &c. compaginem ac ambitum postulasset. Porro per microscopium in sanguine observabilem globulorum rubicundorum sero limpido innatantium molem

ubi

ubi cum seri mole comparabam, illam huic maxime disparem & longe minorem dignoscet; quia tamen multum adhuc gelatinosæ substantiæ eosdem globulos purpurcos implicare probabile, imo certissimum erat, solo oculo, quantum Tincturæ rutilæ liquori Sanguinis vitali adhuc subfasset, discernere ac determinare me posse haud præsumebam. Ast alii encheirisibus in subsidium vocatis, in diversis animalibus, diversisque pariter individuis humanis, deprehendi, quod tinturæ hujus partem unam modo decem, modo undecim, modo plures, nunquam pauciores, seri atque gelatinæ partes comitentur: ultimum autem, quod in sanguine hominis optime valentis hujus theoriam causâ adornabam, experimentum erat sequens. Uni nempe aquæ calidæ libræ tantum sanguinis ex aperta vena profluentis influere permittebam, donec aquam pondere unciarum trium & drachmæ unius auctam, hinc tantundem sanguinis ab illa absorptum & dilutum fuisse, observabam. Solutio hæc filtrata, in filtro gelatinæ spissioris unciam dimidiadum cum drachma una relinquebat, dum ejus reliquum leni destillatione substantiæ aquæ libram unam cum uncia una & drachmis sexfidebat, remanentibus in fundo retortæ grumi ex rubro fusci drachmis duabus cum semisse, ita ut substantiæ aquæ drachmæ tres cum dimidia vel a charta filtri haustæ fuisse, vel inter destillandum in auras exhalasse viderentur. Quia tamen diversus hujus crux color, quem microscopio adjutus conspiciebam, aliquid gelatinæ adhuc complecti crux evincebat, massulum istam, quo gelatinam omnem eluerem, denio cum aqua tepida macerabam, postmodum filtrabam: & post levem exsiccationem grumi ejusdem seu tinturæ sanguineæ drachmæ non nisi duæ cum granis tribus i. e. vix duodecima massa sanguineæ pars, restitabant, adeoque exile admodum esse, quod sanguinis speciem atque nomen dat, declarabant.

BENEDICTI PAULINI PETROCORII
de Vita B. Martini Carminum Libri sex, cum Fran-
cisci Jureti Notis, Casp. Barthii Animadversionibus, & Jo. Fred.
Gronovii Observationibus, editi a CHR. DAUMIO, qui
& ipse Notas adjecit.

Lipsiæ apud Hæred. Frid, Lanckisii 1681. in 8.

Trium

Trium Paulinorum ad nos venisse Poemata, quibus aliquis etiam quartus ad numerari possit, Libro XIX Adversar. cap. 8. Caspar Barthius monuit. Ex ipsis peculiari Commentario eum illustrandum hic sibi sumserat, qui de B. Martini Turonensem Episcopi Vita, quam Sulpitius Severus, Venantius Fortunatus, & Gregorius Turonensis etiam exposuerunt, sex Carminum Heroicorum libros, & bina poemata alia, reliquit. Non Aquitanus ille Nolæ Episcopus; (quod persuasum vulgo erat, visum etiam Jareto, qui tamen sententiam postea mutavit) verum Benedictus Petrocorius, sive ut alii, Petricordius; quod Sirmondus, Labbeus & Barthius notarunt. Promiserat autem postremus hic Paulinorum omnium editionem in Adversariis, sed quam non dedit; Petrocorii saltem Martinianæ Vitæ libros Commentario illustravit, quem ab Autore olim imperatum, ipsius etiam manu una cum Textu & Jureti Notis conscriptum, post ipsius obitum nactus V. CL. Christianus Daumijs nunc demum edidit. Quo studio de bonis literis optime meritus est: nam præter textum Paulini, seorsim excusum extra Bibliothecæ Patrum vasta Volumina vix reperiendum, doctissimi Jureconsulti Franc. Jurei Notas, Barthii item antea nondum in publicum missas Animadversiones, & Gronovii emendationes, ex ipsius Observatis in Scriptoribus Ecclesiasticis depromptas, in libelli non magni modum coegit, subjectis Doctrinæ istorum Virorum commentationibus accuratis Indicibus & Notarum Spicilegio: in quo, ubi Eucharisticon Paulini Pellæi, Ausonii Nepotis, illustrat, nævos prosaicos, quibus tum librariorum vitio, tum autoris culpa istud scater, distincte & erudite persequitur; simulque aliorum Christianorum poetarum in syllabis & numeris negligentiam, licentiamque ostendit. Opusculo omnium Poetarum Christianorum & eorum editionum præfixit Syllabum, cui premittitur Præfatio, in qua Glossarium & secundas curas suas ad Paulinum hunc Petrocorium nos expectare jubet.

